

Ed.

396. Frumvarp til laga

[69. mál]

um breyting á lögum nr. 47 23. júní 1932, um lækningaleyfi o. fl.

(Eftir 2. umr. í Ed., 5. maí.)

1. gr.

Í stað 1. málsg. 2. gr. laganna komi fjórar nýjar málsgreinar, svo hljóðandi:
Peir eiga rétt á ótakmörkuðu lækningaleyfi og að heita lækna, er lokið hafa prófi við Háskóla Íslands og framhaldsnámi í sjúkrahúsi í fæðingarhjálp og öðru, eftir reglum, sem læknaeild háskólans setur og ráðherra staðfestir.

Framhaldsnámi þessu skal lokið hér á landi eða erlendis við sjúkrahús, sem fullnægir skilyrðum til þess að dómi heilbrigðisstjórnar, að fengnum tillögum læknaeildar háskólans.

Kandidatar skulu við framhaldsnámið hafa almenn lögkjör opinberra starfsmanna. Peir skulu taka hámarkslaun samkvæmt 8. fl. launalaga.

Peir einir geta hlotið lækningaleyfi, sem eru íslenskir ríkisborgarar og hafa ekki verið dæmdir til refsingar fyrir athæfi, sem svívirðilegt er að almenningssáliti, hafa ekki verið sviptir lækningaleyfi samkvæmt lögum þessum, enda mæli læknaeildin og landlæknir með leyfisveitingunni.

2. gr.

Lög þessi öðlast þegar gildi.